

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 12.12.2018թ. թիվ 1808879710 որոշումն անփոփոխ, իսկ վարչական բողոքն առանց բավարարման թողնելու մասին

<<21>> 12 2018թ. 14-13-133118-18/17-13-11500

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Երվանդ Հարությունյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Նոր Նորք վարչական շրջանի 7-րդ զանգվածի 39-րդ շենքի 9-րդ բնակարանի բնակիչ Երվանդ Հարությունյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 1808879710, 1808562160, 1808413659, 1808379722, 1808298314, 1808208088, 1807957864, 1807921912, 1807909813, 1807739836, 1807739831, 1807573541 և 1807573523 որոշումները՝ նշելով, որ <<VAZ21074>> մակնիշի B534EM93 հաշվառման համարանիշի տրանսպորտային միջոցն իրեն չի պատկանում:

Դիմումի քննարկման արդյունքում պարզվել է, որ դիմումատուի փաստարկը վարչական ակտերը բեկանելու հիմք չի կարող հանդիսանալ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 7.1-րդ հոդվածի 2-րդ մասի համաձայն՝ **Հայաստանի Հանրապետությունում չհաշվառված տրանսպորտային միջոցներով կատարված իրավախախտումների համար պատասխանատվությունը կրում է տրանսպորտային միջոցը Հայաստանի Հանրապետություն ներմուծող կամ արտահանող (տրանսպորտային միջոցով որպես վարորդ Հայաստանի Հանրապետության սահմանը հատող) անձը:**

ՀՀ ԱԱԾ սահմանապահ զորքերի կողմից շահագործվող ՍԵԿՏ համակարգի սերվերից ստացված տվյալների համաձայն <<VAZ21074>> մակնիշի B534EM93 հաշվառման համարանիշի տրանսպորտային միջոցը ՀՀ տարածք է ներմուծել քաղաքացի Երվանդ Հարությունյանը:

Այսպիսով, Ճանապարհային ոստիկանության վարչական տույժ նշանակելու մասին 12.12.2018թ. թիվ 1808879710 որոշումն իրավաչափ է, օրինական և այն բեկանելու հիմքեր չկան:

Ինչ վերաբերվում է թիվ 1808562160, 1808413659, 1808379722, 1808298314, 1808208088, 1807957864, 1807921912, 1807909813, 1807739836, 1807739831, 1807573541 և 1807573523 որոշումներին, ապա <<Վարչարարության հիմունքների և վարչական վարույթի մասին>> օրենքի 71-րդ հոդվածի 1-ին մասի <<ա>> կետի համաձայն՝ վարչական բողոքը կարող է բերվել՝ վարչական ակտն ուժի մեջ մտնելու օրվանից 2 ամսվա ընթացքում:

Սույն հոդվածի 1-ին մասում նշված ժամկետները բաց թողնելուց հետո ակտը դառնում է անբողոքարկելի: Բողոքարկման ժամկետը կարող է վերականգնվել հարգելի պատճառով բաց թողնվելու դեպքում:

Վերը նշված օրենքի 73-րդ հոդվածի 2-րդ մասի համաձայն՝ վարչական մարմինը բողոքն ընդունելիս պարտավոր է ստուգել բողոքի համապատասխանությունը սույն օրենքի 70-րդ հոդվածի պահանջներին և պարզել՝ արդյոք բողոքը բերվել է սույն օրենքի 71-րդ հոդվածով սահմանված ժամկետում, իսկ 3-րդ մասի համաձայն՝ բողոքի վերաբերյալ որոշում կայացնելիս բողոքը թողնվում է առանց քննարկման, եթե դա ներկայացված է սույն օրենքով սահմանված ժամկետը լրանալուց հետո, եթե ժամկետը բաց թողնելը, սույն օրենքի 71-րդ հոդվածի 2-րդ մասով սահմանված կարգով, հարգելի չի ճանաչվել: Մնացած դեպքերում կիրառվում են դիմումների վերաբերյալ վարչական մարմնի որոշումների համար սահմանված ընդհանուր կանոնները:

Հետևաբար, Ճանապարհային ոստիկանության՝ վարչական տույժ նշանակելու մասին թիվ 1808562160, 1808413659, 1808379722, 1808298314, 1808208088, 1807957864, 1807921912, 1807909813, 1807739836, 1807739831, 1807573541 և 1807573523 որոշումները նշված նորմի համաձայն դարձել են անբողոքարկելի, ուստի դիմումը տվյալ որոշումների մասով քննարկման ենթակա չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 12.12.2018թ. թիվ 1808879710 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Երվանդ Հարությունյանին:



Ե.Կարապետյան